

## ضياء دياب يكتب: يوميات متخابر ومتدرب " قصة قصيرة "



الثلاثاء 19 أغسطس 2014 12:08 م

### نافذة مصر

الواد سيد لاحظ إن صاحبه الواد أيمن ابن جارتهم أحلام كراوية ظهر عليه العز والبغده كده فجأه، صمم يعرف إيه الحكاية؟؟؟؟ راح سألته، وعرف منه إنه أخذ دورة تخابر مع حماس، ولما قال له إنت كداب، راح الواد أيمن ابن أحلام كراوية مطلع له شهادة التخابر المعتمدة وقال له: إن الشهادة مطلوبه دلوقت في كل حته، ويقدر يشتغل بيها في أكثر من شركة مالتية ناشيونال، وإنه بيقبض أد كده؟؟؟؟

الواد سيد ماكذبش خبر، خد أوتوبيس على العريش ومنها علي رفح، وعند المعبر، وأمام لجنة مدججة من الجيش والشرطة وال 777 : سيد؛ سامو عليكو؟؟؟؟ الباشا؛ سامحتوبركاته؟؟؟؟ خير يا ياشينتل؟؟؟؟ متخابر إن شاء الله؟ سيد؛ لا يا باشا .... رايح تدريب عسكري مع حماس؟؟؟؟ ممكن بس المعبر كده علشان نعدى يا باشا؟؟؟؟ الباشا؛ ما انت عارف إن المعبر لبش اليومين دول وقلق كده وشبنشات !! سيد؛ معلش يا باشا، دا هي الدورة أسبوعين؛ هاون وجرينوف وفرقة مظلات وراجع علي طول؟؟؟؟ الباشا؛ ماشي يا أبو السيد، بس عاوزين نشرب شاي بقي يا سيكو؟؟ الرجاله خرمانه علي المعبر بقالها شهرين؟ سيد؛ عينيا يا باشا، خد الخمسينه دي؟؟؟؟ نهارو قشطه؟؟؟؟ الباشا؛ نهارو أبيض يا عسل؟؟؟؟ عدي يالال؟؟؟؟ افتح الباب تكتين؟؟؟؟ وماتنساش تاخذ باب المعبر في إيدك وانت ماشي علشان تيار هوا بيرزعه والرجاله بتتخض؟؟؟؟ سلام يا قشطه سيد؛ سلام يا باشا

ودخل سيد إلى رفح واستقبله وفد دبلوماسي من كتائب القسام، وأخذوه إلى قسم التدريب العسكري والتخابر بجامعة عسقلان؟؟؟؟ ليبدا الكورس .... بعد أسبوعين وفي حفل تخرج ال Alumni ألقى سيد كلمة الدفعة نيابة عن شباب الوراق وسط تصفيق مجاهدي القسام ورؤساء أقسام المدرعات والكلشينكوف؟؟؟؟

وتقدم أبو عبيدة؛ ليقبله نوط الواجب الغزي من الطبقة الأولى، ووقع له علي الشهادة، ووقع عليها اسماعيل هنية وختمها بختم شجرة الزيتون، ثم سلموها لسيد الذي رمى قبعة التخرج مع باقي المتدربين؟؟؟؟ وعاد سيد في الميكروباس وهو يتراقص طرباً مع أنغام " شالاليلك في قلبي يا ماسر " وهنا شهقت انشراح شهقتها الأخيرة وفاضت روحها إلى بارئها .... ونعاها كل أطباء الأنف والأذن في الشرق الأوسط أبحرووو